

دائرة مخصوصه

در سعادتده باب عالی جوار ننده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوويه

قبول اورانور

درج ابدنه بن آثار اعاده اورانور

ديبر، فلسفه، علوم، حقوق، ادبيات، سياست، و بافاده كرك سياسى و كرك اجتماعى و مدنى احوال و مشوره اسلاميه و در بحث ايدى و هفته ده بر نشر اورانور.

آبونه بدلى

صاحب و مؤسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لکى التى آيلنى

ممالك عثمانيه ايچون	۸۰	۴۰	غروش
روسيه	»	۶۰۵	۳۰۵ روبله
سائر ممالك اجنبيه	»	۱۷	۹ فرائق

تاريخ تأسيسى

۱۰ تموز ۳۲۴

قبراه دن مقوا بورو ايله كوندريلىر سه سنوى
۲۰ غروش فضله آلنير

عدد : ۷۹

۲۸ صفر الحير ۳۲۸ پنجشنبه ۲۵ شباط ۳۲۵

در دنجى جلد

بولنشد. زیرا ابن اثیری ابوالفدائی مطالعه ایدنار دها پک چوق حقیقتله واصل اولورلر .

تذقیقات :

ابن اثیر ، ابوالفدا ایله دوزی بی مقایسه رحمة الله مرحوم ایله عبده جودت افندی بی مقایسه کی قیاس مع الفارقدر . آ کلاشیلان محرر مقاله ابن اثیر ایله ابوالفدائی ده معهود تاریخ اسلامیتده اولدینی کی جلسه خطیب قدر بر مدت ظرفنده تتبع ایتشددر .

۱۶ — کتاب منعه قدر مملکتجه یایله جوق چوق شی واردر .

تذقیقات :

تطویلدن حذراً ادیب محترم محمد عاکف بک کچن هفته کی مقاله سندن بواسسه جواب اوله جوق بر فقره بی تبر کاً نقل ایدیورلر : « عجبا انطالیه مبعوث محترمک ، تصویر افکار صاحبک پیش عزمنده هیچ تشبث ایدیله جک ایش قالمایش می که تاریخ اسلامیت کی بر تزویر نامه یه الی ستوناق تقریض یازیور ، عبده جودت افندی بی طوتوبا کابر امتدن رحمة اللهک یانه چیقار می ایستیور ... » لم تقولون مالا تفعلون ...

بوقالده ردیه یازلدقندن صکره تقویم وقایع جریده رسمیه سنده مسئله یه دائر بر اعلان رسمی منظور من اولدیغندن عیناً نقل ایدیورلر :

« دایمارقه لی دوزی نامنده برینک اثری اولوب دو قنور عبده جودت افندی طرفندن ترکیه یه بالترجه مصرده طبع ایتدیریلرک درسعادته نشر وفروخت اولنقه باشلانیش اولان تاریخ اسلامیت نامنده کی کتابک سیدالانام علیه الصلاة والسلام افندیمن حضرتلرینک حق عالی نبوت پناهیلرنده برطاقم اکاذیب ومفتریاتی حاوی بولنسدن طولانی کتاب مذکورک منی لزومنه دائر داخلیه نظارت جلیله سنک ۲۷ ربیع الاول سنه ۳۲۷ تاریخی و ۳۳۹ نومرولو تذکره سی واوراق متفرعه مجلس مخصوص وکلاده لدی المظالعه ماللرینه نظراً ذکر اولنان کتابک مندرجاتی اکاذیب ومفتریاتی حاوی بولندیکی اکلاشلمش وبونک نشر وفرختی درکار اولان مضراتی جهتیله قطعاً غیر جائز بولنش اولدیغندن ومطبوعات قانوننک اوتوزبشنجی ماده سی حکمنجه ممالک اجنبیه ده وایالات متنازعه ده مطبوع غرضه یارسائل موقوتنک مجلس مذکور قراریله ممالک عثمانیه ده منع نشر وتوزی مجاز اولوب مطبعه لر قانوننک یدنجی ماده سنده مطبوعات قانوننک جرائم مطبوعات متعلق احکام جزائیه سنک کتب ورسائل ایله واقع اولان نشریانه دخی شامل اوله جنی محرر بولندیغندن سالفالبیان کتابک حکم قانونه توفیقاً منع نشر وتوزیعه عائد معاملات ایجابیه نک ایفاسی خصوصنک داخلیه نظارت جلیله سنه تبلیغی تذکر قلنمش وموجبجه اقتضاسنک ایفاسی باند کره سامیه نظارت مشارالیه یه یلدرلشددر . [تقویم وقایع]

عالم اسلام

فاتحه اقبال عالم اسلام

عالم اسلامک دور ادباو وانخطاطی مدارس اسلامیه ده علوم حکمیه وریاضیه تدریساتنه خاتمه چکیلرک احتیاجات وایجابات عصریه نظر اعتباردن اسقاط ایدلمسیله باشلادینی هر کسجه معلوم بر حقیقتدر .

نه قاریشیرمش ، کی سوزلر تجاهاللر حقیقتی نشر وظیفه سیله مکلف بولنان بر غرضه جی یه یاقیشه میه جعندن صرف نظر بر مبعوث ایچون اصلاً خوش کوریله مز .

تاریخ اسلامیتک منعی ویا نشری اسلامیتک خصوصات دینه سندن دکلدر . اسلاملر خصوصات دینه لرنده مجلس وکلا مقررانه مققر دکلدرلر . بحمد وکرمه تعالی اللرنده کتاب ، سنت ، اجماع ، قیاس کی درت اساس واردر . خصوصات دینه لرینی بو اساسلره توفیقاً حل ایدرلر .

مسئله خصوصات دینه ده دکلدر . بو مملکتده اکثریتی تعذیب ورنجیده ایدن بر کیفیتک ادامه ویا رفعمنددر . بو اثر بویه سلمه السلام صاتیلورسه اسلاملرک عزت نفسی جریمه دار اولور . حکومت مملکتی اداره ایتک فکرنده ایسه طبیعی بورالینی نظره آلیر . بو کون ملل غربیه یکدیگرینک حسیاتی رنجیده ایتمکدن حذراً خطرات مظفریتی احیاده پک زیاده دقت وتیقظ کوستریرلر . دیمک که اکثریتک ارزو سی یالندز داخل مملکتده دکل خارجه ده بیله محترم طوتیلور . جمیلر کوستریلور . رسالتپناه افندیمنی تمثیل صدنده ترتیب اولنان اویونک مملکتده اوینامسنه فرانسه حکومتی اسلاملره جمیله راضی اولمادی . هندستاندن چکیلان معلوم تلغراف اوزرینه مشروطیتک اعلانندن مقدم مراقبه عدلیه تکلیفنده انکلتزه حکومتی اثر تراخی کوستردی . ابوالضیا توفیق پک افندیمنک شو حقایقه قارشی تجاهالل کوسترمکده اولسنه طوغریسی بر معنا ویردمیورلر .

۱۳ — حکومت بوقراریله احتراز ایتدیکی شینک حصولی تأمین ایتشددر . زیرا انسانلر منع اولندقلری شیئه حریص اولدقلرندن اثرک آز بر زمان ظرفنده نسخ مطبوعه سی تمامیه توکنمشدر .

تذقیقات :

منعک بوقیل نتائنجی کیم تقدیر ایتز . ایشته بوده کوستریلورکه منعندن مقصد افکار عمومیه اسلامیه یه رضیه در ، اسایش مملکتی محافظه در ، ارزوی عمومی یه اتباعدر یوقسه اثرک مضراتی عقیم براقق غلما یه نشر دین ایله مشغول ذواته متوجه وظائفندن بولندیغندن بومقصد بحواله وکره تعالی مدافعه وردیه لرله ایر کیج حاصل اوله جقدر .

۱۴ — حکومت بوباده تعقیبی اقتضا ایدن شاهراه مستقیمدن انحراف ایتشددر . زیرا بواتری رانجمن دانش علمی نک انظار تدقیقه وضع ایدرک ویرجه کلری قراره گوره ردیه یازمق ویا قوه مجبردی برطرف ایلک شقلرندن برینی اختیار ایتک لازم کلورکن بو جهتلر نظره آلمامشدر .

تذقیقات :

مجلس خاص وکلانک تقدیرینی استعمالده بویه بر قید ایله مکلفیتنه دائر قانونده برصراحت بوله مدق . حکومت تقدیرینی استعمال ایچون ایسترسه اهل خبریه مراجعت ایدر ایسترسه مشهود اولان مضراته بنای حکم ایدرک بر آن اول اتخاذ قرار ایلر بو خصوصده نه تصویر افکاردن ونه ده صراط مستقیمدن درس بکله من ظننده یز .

۱۵ — دوزینک منقولاتی تمامیه حقائق تاریخیه مزه موافق

سائر مدارسدن براز فرق کوریلیر . خطوة ترقی تاملیه آتمه مش ، فقط آتمیه مهیا ، مستعد بر حال مشاهده ایدیلیر .

مصرده ، بخاراده ، قریمده ، ایچرو روسیهده وسائر اقطار اسلامییهده حال احتضارده بولنان دارالعلوملرک رؤیت امور وادارده سی ید امانت وحمایه لرینه توزیع ایدیلن اولیای امور مسلمیندن مرکز خلافتده آچیلان لوحه انتباهی غنیمت بیلرک نمونه امتثال عد ایللرینی اخوت دینه نامنه تمنی ایلرز . اگر بو فرصتی غیب ایتمکه کما فی السابق « انا وجدنا آباءنا » دهرک شمیدکی حال اسف اشتماللرینی محافظه وادامیه اصرار ایدرلرسه بر چوق محاذیرک میدان آلمسینه سبیت ویردهجک بوحالده اغماض عین ایتدکاری ایچون عند ربانیده مسئؤل اوله جقلری کبی خلفلری طرفندده اسملری رحمت یرینه نفرتله یاد اولنه جغنده اصلا شبهه ایتسونلر . بو باده کوستریلهجک اهل اهل و تکاسلک ، دها دوغریبی مقصدک نتایجی پک وخیم اوله جغنی شمیدن آثاری باش کوسترمش حادثات ، وقوعات پک اعلا ارئه ایتمکدهدر .

یقین برزمانه قدر ایجابات زمانیهیه قارشو بیگانه قالیشمزدن خبردار اولانلر ارامزده یوق دینهجک قدر آز ایدی . بوسوک وقتلرده ایسه احتیاجات کونیهدن غفلتمزک تولید ایتدیکی محن ومشاق بالضروره بویکانه لکدن آگاه اولانلرک عددینی کوندن کونه تزیید ایتشدر . ایشته انتباه تدریجی بر صورتده توسیع دائره ایده ایده خرابه زاره دوشمش مدرسه لریمزک ایچنده عمرلرینک اک قیمتلی کونلرینی تحصیل امیدیه کچیرمکده اولان شبان اسلامه سرایت ایتکه باشلامشدر ، بوحس انتباهدن حصه مند اولان طلبه علوم بولندقلری مدرسه لرک نه مدرسه سیننه ، نه ده اوراده اوقونان درس لره روی رضا وقناعت کوسترمه جهجکری بر امر طبیعی بولندیغندن ، ازجهله روسیه نک قزان ، اورنبورغ ، سیریا حوالیسینده بولنان طلاب مسلمین یکدیگرلریله مخبر اتده بولوب معلمینه قارشو غره ولریا بهرق اصول قدیمه اوزرینه تدریس ایدیلکده بولنان مدرسه لره کیتامکه قرار ویرمشلردر ، بر چوقلری ده ، پدرلرینک اجبارینه رغماً ، اومدرسه لره دوام ایتیه رک استانبول ومصر کبی وقتیه علوم ومعارفجه شهرتلی آفاقی طوتمش بلاد اسلامییه کلیورلر . فقط بورالری ده مملکتلرندن پک فرقلی بولندقلرندن بر چوقلری مسامکرینی تبدیل ایدیلور . بوحال یالکز بزم محیطده دکل ، استانبولده دخی نمایان اولمغه باشلادی ، جامع درس لرینه مداومین کوندن کونه آزالور .

یوقارودنبری عرض ایدیلن احوال الیه عالم اسلامک هر گوشه سینده آز چوق حس اولومیه باشلادیغنی کورن متفکرین فضلاء اسلام بومرضی بالتشخیص بوکا قارشو انخاد اولنه جق مداوات عاجله یی ایفایه میاشرت ایلله کندیلرینی ، مقام خلافتی مسئولیت مغویه دن تخلیص ایدرک شایان امثال اولمشلردر . بو امر مبعجک وجوده کتیرلمسینه متشبث بولنان ذوات وباخصوص درس وکیلی استاد محترم خالص افندی حقیقه دین مینه پک بیوک بر خدمت ایتدکارندن بتون مسلمانلر کندیلرینه عرض شکران ایده جکدر .

اوزون زمانلر بو اهل و تسامحک ، بو عطالت وتمندک جزاسنی چکدکدن صوکرانهایت اولکی هفته باب مشیخت مدرسه لر مزده اوقونمده اولان علوم وفنونک نقصان وعدم کفایه سنی ، طرزتدریسک من کل الوجوه ایجابات عصریه ایلله اصلا قابل تألیف وتوفیق اولمیدیغنی نظر دقه آلهرق جدول مخصوص اوزره تدریساته مباشرتک قبول رسم کشادی اجرا ایلدی . بز بوکونی عالم اسلامک فاتحه اقبالی عد ایدیلورز :

اوت ! بو کون پک قیمتلی ، پک مقدس تاریخی برکوندرد . چونکه بر وقتلر کافه علوم مدونه نک مهده ظهوری وهر بری زمانسک برر صوربون دارالفنونی اولان مدارس علمیهده صوک زمانلرده علو وفنون هان هان کاملاً دینهجک درجهده اندراسه یوز طوتمش ، خورشید معارفک تماماً افول ایتمش اولمشندن هر مؤمنک امید کلاً منسلب اولاش ایکن بو کون شمس اقبال اسلامیان ینه شرفزدن عرض دیدار قدسیت ایتکه باشلادی . بو یوم مسعود عالم اسلامجه پک مهم بر انقلابدر . دور جدیدک مبدأ تاریخدر .

ایشته بو یوم مبعجک قدسیتی تقدیر ایدن علمای عظام ، وکلای فحام حضراتی عموماً رسم کشادده حاضر بولنهرق غایت مهم نطقلر ایراد بیوردیلر . عالم اسلامه نمونه امتثال عد ایدیهجک بو موفقیت عظیمه و خدمت مبعجهدن طولایی شیخ الاسلام افندی حضرتلری و علمای کرامی تبریک ایدرز .

مقام خلافتده کی بو انقلاب ، بتون امور دینه و دنیویهده مرکز خلافتی رهبر ومقتدا طانییان مسلمانلر اوزرنده عظیم بر تأثیر اولاندیره جقدر .

شمیدییه قدر افکار اسلامییهده انقراضه یوز طوتمش کهنه اصوللریله نیجه اذکیانک حیات قیمتداری نه کندیلرینه ، نه ده منسوب اولدقلری قومه بر ثمره تولید ایتیه رک هبا اولوب کیتدیکی حالده دارالخلافه مدرسه لرینه باقیلهرق هیچ بر تدبیر اجرا ایدیه میور ، هیچ بر تجدد کوستریله میوردی .

اسلام ایلله مسکون اقطار عالمده منابع وارداتی پک واسع ، فقط بر خرابه زاره دونن نیجه مدارس واردرکه درالخلافه نک بو خدمت مبعجله سیننه امثالاً آنلردهده ایجابات عصریه نظر اعتباره آلتوب اصلاحات اجرا ایدیلورسه بر مدت قلبه ظرفنده او مدارس بر خزانه علوم کسیره رک سطوت وشهرت قدیمه لرینی اکتسایده جکری لاریب فیهدر . مثال اولهق رسم کشادی اجرا ایدیلن ابوالفتح سلطان محمد خان حضرتلرینک تأسیس کرده لری بولنان تابخانه مدرسه سیننه زمان وطرز انشاجه خیلی مناسبی بولنان « قریم » شبه جزیره سینده قدیماً پایتخت اولان « باغچه سرای » ده کائن قریم خانلرندن منسکلی کرای « خان « رحمه الله » ک انشا کرده لری بولنان « زنجیرلی مدرسه » سنی اتیان ایده بیلرز . بو مدرسه اقطار اسلامده موجود مدارسک اک مهملری صرسته کچه بیلیر . بو کون بوکا عائد اوقاف بحق اصلاح واعمار ایدیلکی حالده اوج بیک لیرا قدر واردات سنویه کتیره بیلیر . شوقدر وارکه بومدرسه نک اداره واصول تدریسجه انقراضه محکوم

انتخاب ایتدایدی. و همدی بیهیئتک اعضاسی میانیه قاهره کی سائر بلاد اسلامیة علماسی ده بولمالی در. هیچ اولمازسه آنلرله مخبرده بولولمالی در. قریلی یعقوب کمال

مولد حضرت نبوی یه شرف مصادف روز مسعودک ایام رسمیه تعطیلیه دن عداولمنسنه مجلس خاص و کلاجه قرار ویرلمشدر.

درعلیه ده صراط مستقیم اداره خانه سنه

رساله محترمه کزک یتش سکننجی جزوی دونمائی عثمانی قومیسونی بورا شعبه سنه تیمناً تبرع ایدیلوب مزایده یه قولدی بیک درتیوز یکرمی کسور غروشه چیقارلدی مزایده بردوامدر.

الحاج محمد

صراط مستقیم

اینه کولده مقیم حاجی محمد افندیدن آلدیغمز شو و تلغرافامده رساله مزه اراز توجه صورتیه عثمانی دونمائی اعانه سی ایچون بیک درتیوز یکرمی کسور غروش طوبیاندینی تبشیر بویوریلور. وطنمک هرطرفنده کی اصحاب حمیتک بوکی تشبثات فداکارانه سی ملنک اقبال استقبالی حقنده کی امیدیمزی بر اوقدر دها تأیید ایدیور. «آرش ایلری آرش! بزمدر فلاح»

استرخانده منتشر «ایدل» رفیق محترمز باش مقاله سنده دییور که : انسانلرک بتون امور وحرکاتی اعتقاد ووجدانلرینه تابع در. ایسته مسلمانلر تعلیمات اسلامیة قبول ووامرینی وظائف انسانیه دییه اعتقاد ایتش اولدولرندن، شبهه یوق که آرالرنده نفاق، اختلاف و تفرقه کی مغایر اسلامیت اولان شیرلی ترک ایدرک حیات و منافع عمومیه لرینی تأمین ایده جک تشبثلرده بولملری اقتضا ایدر. فقط مع التأسف مسلمانلرده بویله تشبثلر دکل، نیت و فکرلر بیله یوقدر.

مذہب اسلامیة یالکن دیلدرده، کتاب صحیفه لرنده تذکار ایدیلور. روسیه نلک هریرنده خصوصیه پایتختلرده، قزان، طاشکند کی بیوک شهرلرده خالص روسلرک میسیونرلری، اعیان واکاری اجتماعلر عقیده ایدیور. بواجتماعلر، روس عنصرینه منسوب اولیانلرک، خصوصاً مسلمانلرک حاللرینی تفتیش و مذاکره ایچون وقوعه کایور. مسلمانلرک نادانلق و فقیرلکندن دکل، بالعکس بزده اولمایان صفتلردن بحث اولونیور:

«صوک بش، آلتی سنه ایچنده مسلمانلرده ترقیه قدم انداز اولدیلر. بعضیلری معارفه صارلایلر، کمال ثبات و متانتله ادبیاتلرینی نشر ایدیورلر. ملل سائر آره سنده دینلرینی نشر ایدن میسیونرلری ده پک چوقدر. حتی بوخصوصه هر مسلمان برر میسیونرکسیلمشدر...»

کسی اسناداتده بولنیورلر. حقمرده هرطرفدن بویله صحیفه لر قوباریلدینی حالده بزلر صاغ و صوله بر دفعه اولسون باقوری یز؟ نه صنعتنر زمانیه موافق، نه ده تجارتنر نظر اعتبارده. ادبیاتنر؛ لغوی، اصطلاحی کله لر مالک زنکین دیلنر یوق، اولادملنک احتیاجنی دفع ایده جک، دردلریمزه درمان اوله جق مکتب و مدرسه لریمز و بوللرده حقیقی تعلیم و تربیه ویره جک معلملریمز یوق. حال بویله ایکن اجانب بزى دائماً تفتیش و مراقبه آلتلنده بولندیرمقدن واز کچمیور. دائماً بزدن شبهه لنیور. باری بواحوالده اولسون عبرت بین اوله لمده آراده کی معائنر اختلافلری برافرق متجدداً چالیشلم.

«مطبعة خیریه» وشرکاسی مدیر مسئول: اشرف ارباب

واقعا بو ترتیب اولمش پروگرامه من کل الوجوه تکمیل ایتش، احتیاجات حاضره ایله تماماً متناسبدر دیه مزسه کده ایلک خطوه ترقی اولق اعتباریه بیوک بر موفقیت اولدینی ده غیرقابل انکاردر. چونکه بو عالم خلقتده هرشی قانون تدریجی یه تابعدر، بوحدودی تجاوزداثما عدم موفقیتی منتج اوله جغه حادثات تاریخیه شهادت ایتکده در.

امیدوارز که آز مدت ظرفنده بوجدول بحق تکمیل ایده جکدر. زیرا زمانمزد «پناغوزی» (اصول تربیه) ترقی ایتش، یوما فیوماده ترقی ایتکده بولمشدر. هانکی لسان اولورسه اولسون آز بروقت ایچنده آنک لغاتنی، قواعد صرفیه ونحویه سنی اوکرنمک ایچون ارباب سعی وغیرت جوق چالشمشدر و بومساعیلرینک نتیجه سی اوله رق بوکون متنوع اصوللر میدانیه کتیرمشلردر. از جمله «مه تود آن، مه تود برلیچ» یعنی آن و برلیچ اصوللری قاهره، بیروت مکانبرسمیه و خصوصیه سنده تدریس ایدیلک ایچون بواصوللر اوزرینه علم صرف، علم نحو، علم بلاغته دائر بر طاقم آثار سوریه لیلر واجنیلر طرفدن تألیف ایدیلوب ایچه مدتدنبری تجارب عیدیه ایله مدت تحصیلی تقلیل، امرتدریسی تسهیل ایتدیکنی ثابت اولمشدر. بناء علیه بوجدول جدیدی تنظیم و ترتیب ایدن اساتذه کر آمدن بواصوللر اوزرینه تدوین ایدیان آثار جدیدیه یی بر کره کوزدن کچیرملرینی تمی ایده رز.

بومناسبتله شونی ده عرض ایتک ایسته یورم: معلومدر که اسلاف «رحمهم الله» حضراتی بولندقلری اعصارده عهدله لرینه ترتیب ایدن وظائف دینیله لرینی بالغاً مابلع ایفاء بیورمشلردر. بوجهلده دن اولق اوزره علم کلامک تدوین و تألیفی داعی و مستلزم اسباب، منتسبینه ججه معلومدر که تابعین عصرینی متعاقب اهل اسلام بر جوق فرقه لره انقسام ایده رک آرالرنده عقائد ججه خلی بدعتلرک ظهوری و براز صکره بلاد اسلامیة ده یونان حکمت قدیمه سنک انتشاری باشلامه سندن بین الاسلام قیل و قالی موجب اوله سی کی حادثاتدن عبارتدر. بونک اوزرینه اوزمانک علماسی حکمت عتیقه نلک اصول عقائد اسلامیة یه مخالف اولان مسائلی رد وابطال ایده رک بوکون الیزده بولسان کتب کلامیه یی میدانیه کتیرمشلر شمدی بو عصرده ایسه علوم و معارفک ترقیسینه فلسفه قدیمه نلک نظریاتی تمامیه دینه جک بر درجه ده چوروک اولدینی میدانیه چیقمش ایکن اوفلسفه نظر اعتباره آله رقی تدوین ایدیلن کتب کلامیه فصل اولورده بوکونکی فلسفه جدیده داخل اولان برجدوله ادخال ایدیله بیلیر. آرتق وقت وزمانی کچمش بطلمیوس حکمتی ایله طلبة علومک قیمتدار و قتلرینی اشغال ایتک هیچ بر صورتله شایان قبول کوربله مز. بناء علیه عصر مزده ائمه سلفک یرینی طوتان علماء عظام حضراتنه پک بیوک خدمات مهمه دینییه توجه ایدیور. ایسته بووظایفک اهمی، سریعاً اجرا و ایفاسی کنیدیلرینه فرض و درجه و جوبده اولانی، فلسفه جدیده حاضره نظریاتیه اصول عقاید اسلامیة مزى مزج ایدرک یکی بر (علم کلام) تدوین ایتکدر. بو خدمت دینییه یی میدانیه کتورمک غایت دشوار اولغله برابر تأخیری تحصیلده بولنان شبان اسلام ایچونده اوقدر مهلکدر. عالم اسلامک رهبر و مقتداسی بولنان مقر خلافت عظمی دها طوغریبی شیخ الاسلام افندی بویله لزومی دیناً درکار و ضروری اولان بواثرک تألیفی ایچون علمای اعلام دن مرکب بر هیئت